



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1509611
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

15 սեպտեմբեր 2020թ.

Բ. Երևան
(կազմման վայրը)

Ակտի հասցեագրեր

Ա/Ձ Հարություն Հայրապետյան

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

2	4	2	0	6	3	2	3
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Կոտայքի մարզ, Ավան-Առինջ 1/2, 22

(անհատ ձեռնարկատիրոջ հաշվառման հասցեն կամ իրավաբանական անձի գրանվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 30.07.2020թ-ի թիվ 1509611 որոշման համաձայն Ա/Ձ Հարություն Հայրապետյանի նկատմամբ իրականացված օպերատիվ հետախուզական միջոցառումների արդյունքում պարզվել է, որ.

1. Անհատ ձեռնարկատերը 14.08.2020 թվականին ժամը 15:10-ի սահմաններում «Դոջ Ֆենգ» մականիշի 36 GA 176 պետհամարանիշի ավտոմեքենայով Կոտայքի մարզ, Վերին Պտղնի, Նոր Ավան թաղամաս, 65/1 հասցեում գտնվող անհատ ձեռնարկատիրոջը պատկանող տարածքից Տավուշի մարզ, ք. Դիլիջան, Արովյան 5 է տեղափոխվել ընդհանուր 334.800 ՀՀ դրամ արժողությամբ 9 մ³ բետոնե շաղախ:

Հարություն Հայրապետյանի 14.08.2020 թվականի գրավոր հայտարարության համաձայն՝ վերոգրյալ բետոնե շաղախի տեղափոխման համար անհատ ձեռնարկատիրոջ կողմից դուրս չի գրվել համապատասխան ուղեկցող փաստաթուղթ:

ՀՀ ՊԵԿ տեղեկատվական բազայի ուսումնասիրության արդյունքում պարզվել է, որ 14.08.2020թ-ին ժամը 15:10-ի դրությամբ ընդհանուր 334.800 ՀՀ դրամ արժեքով տեղափոխվող ապրանքի համար համապատասխան հաշվարկային փաստաթուղթ դուրս գրված չի եղել:

2. Անհատ ձեռնարկատերը 18.08.2020 թվականին ժամը 10:10-ի սահմաններում «Կամազ» մականիշի 35 PA 794 պետհամարանիշի ավտոմեքենայով Կոտայքի մարզ, Վերին Պտղնի, Նոր Ավան թաղամաս, 65/1 հասցեում գտնվող անհատ ձեռնարկատիրոջը պատկանող տարածքից ք. Երևան, Ավան համայնքի

գազալցակայանի հարակից տարածք է տեղափոխել 37.200 ՀՀ դրամ արժողությամբ 2 մ³ բետոնե շաղախ:

Հարություն Հայրապետյանի 18.08.2020 թվականի գրավոր հայտարարության համաձայն՝ վերոգրյալ բետոնե շաղախի տեղափոխման համար անհատ ձեռնարկատիրոջ կողմից դուրս չի գրվել համապատասխան ուղեկցող փաստաթուղթ:

ՀՀ ՊԵԿ տեղեկատվական բազայի ուսումնասիրության արդյունքում պարզվել է, որ 18.08.2020թ-ին ժամը 10:10-ի դրությամբ ընդհանուր 37.200 ՀՀ դրամ արժեքով տեղափոխվող ապրանքի համար համապատասխան հաշվարկային փաստաթուղթ դուրս գրված չի եղել:

Թիվ 1509611 արձանագրությունների հիման վրա 17.08.2020 թվականին հարուցվել է վարչական վարույթ:

Կողմը, պատշաճ ծանուցված լինելով, չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով Ընկերության կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում Ա/Ձ Հարություն Հայրապետյանի կողմից խախտումը վերջին 1 տարվա ընթացքում կատարվել է առաջին անգամ: Ապրանքների ընդհանուր գումարը կազմում է 372.000 ՀՀ դրամ, որի 50 տոկոսը կազմում է 186.000 ՀՀ դրամ, ուստի օրենսդրական պահանջից ելնելով Ա/Ձ Հարություն Հայրապետյանի նկատմամբ կիրառելի է 200.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և Ա/Ձ Հարություն Հայրապետյանին գանձման առաջադրել 200.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածի 1-ին մասով սահմանված տուգանք որից՝	200.000	պետական բյուջե	900008000490

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.



ստորագրությունը

Ստացա ակտի մեկ օրինակը

ընդամենը 3 էջ

Ա/Ձ Հարություն Հայրապետյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հարուկ առաքման դեպքում)

ստորագրությունը

„_____“ 2020թ.